

اتوار 1 ستمبر، 2019

مضمون۔ مسیح یسوع

سنہری متن: مکاشفہ 22 باب 16 آیت

”میں یسوع نے اپنا فرشتہ ایس لئی گھلایا پئی کلیسیا نوں دے بارے وچ تہاڈے اگے ایہناں گلاں دی گواہی دیوے۔  
میں داؤد دی اصل تے نسل تے سویردا چمکد اتارا آں۔“

جوابی پڑھائی: افسیوں 2 باب 4 توں 10 آیتاں

- 4۔ پر رب نے اپنے رحم دی دولت توں اوس وڈھی محبت دے پاروں جیہڑی اوہنے ساڈے نال کیتی۔
- 5۔ جدوں قصوراں دے پاروں مردہ ای سی تے ساہنوں مسیح دے نال زندہ کیتا۔ (تہانوں فضل نال ای مکتی ملی اے)۔
- 6۔ تے مسیح یسوع وچ شامل کر کے اوہدے نال جلا یاتے آسمانی مقاماں وچ اوہدے نال بٹھایا۔
- 7۔ تاں جو اوہ اپنی اوس مہربانی توں جیہڑی مسیح یسوع وچ ساڈے اُتے آ آون والے زمانیاں وچ اپنے فضل دی بے نہایت دولت وکھاوے۔

8- کیوں جے تہانوں ایمان دے پاروں فضل نال ای کمتی ملی اے تے ایہہ تہاڈے ولوں نہیں۔ رب دی بخشش اے۔

9- تے نہ کماں دے پاروں اے تاں جوں کوئی فخر نہ کرے۔

10- کیوں جے اسی اوہدی ای کارگیری آں تے مسیح یسوع وچ اوہناں نیک اعمالاں لئی مخلوق ہوئے جنہاں نوں رب نے پہلے توں ساڈے کرن لئی تیار کیتا سی۔

درسی وعظ

بائبل وچوں

1- یسعیاہ 11 باب 1 توں 4 آیتاں

1- تے یسی دے تنے توں اک کو نپل نکلے گی تے اوہدیاں جڑاں توں اک بار آور ٹہنی پیدا ہووے گی۔

2- تے خداوند دی روح اوہدے اُتے ٹھہرے گی۔ حکمت تے خرد دی روح، مصلحت تے قدرت دی

روح، معرفت تے خداوند دے خوف دی روح۔

- 3- تے اوہدی شادمانی خداوند دے خوف و بچ ہووے گی تے اوہ نہ اپنیاں اکھیاں دے ویکھن دے مطابق انصاف کرے گا تے نہ اپنے کناں دے سنن دے مطابق فیصلہ کرے گا۔
- 4- بلکہ اوہ راستی نال مسکیناں دا انصاف کرے گا تے عدل نال دھرتی دے خاکساراں دا فیصلہ کرے گا تے اپنی زبان دے عصا نال دھرتی نوں مارے گا تے اپنے ہونٹاں دے دم نال شیراں نوں فنا کر دیوے گا۔

## 2- یوحنا 10 باب 23 (یسوع) توں 33، 36 توں 39 آیتاں

- 23- تے یسوع ہیكل دے اندر سلیمانی بر آندے وچ ٹر پھر رہیاسی۔
- 24- ایس لئی یہودیاں نے اوہدے آلے دوالے اکٹھے ہو کے اوہنوں اکھیا توں کدوں تیکر ساڈے دلاں نوں ڈانواں ڈول رکھیں گا؟ جے توں مسیح ایس تے ساہنوں صاف آکھ دے۔
- 25- یسوع نے اوہناں نوں اکھیا میں تے تہانوں آکھ دتا پر تسی یقین نہیں کر دے۔ جیہڑے کم میں اپنے پیو دے ناں توں کرداں واں اوہ ای میرے گواہ نہیں۔
- 26- پر تسی ایس لئی یقین نہیں کر دے پئی تسی میریاں بھیدیاں وچوں نہیں او۔
- 27- میریاں بھیدیاں میری آواز سن دیاں نہیں تے میں اوہناں نوں جان داواں تے اوہ میرے مگر مگر ڈردیاں نہیں۔
- 28- تے میں اوہناں نوں ہمیشہ دی حیاتی بختند اواں تے اوہ ہمیشہ تیکر کدی ہلاک نہ ہوون گیاں تے کوئی اوہناں نوں میرے ہتھوں کھونہ لوے گا۔

29- میرا پیو جنھے مینوں اوہ دیتیاں نیں ساریاں توں وڈھا اے تے کوئی اوہناں نوں میرے پیو دے ہتھوں کھو  
نئیں سکدا۔

30- میں تے پیواک واں۔

31- یہودیوں نے اوہنوں سنگسار کرن لئی فیر پتھر مچھے۔

32- یسوع نے اوہناں نوں جواب دتا پئی میں تہانوں پیو ولوں بہتیرے چنگے کم دکھائے نیں۔ اوہناں وچوں  
کیس کم دے پاروں مینوں سنگسار کر دے او؟

33- یہودیوں نے اوہنوں جواب دتا پئی چنگے کماں دے پاروں نئیں بلکہ کفر دے پاروں تینوں سنگسار کر دے  
آں تے ایس لئی پئی توں بندہ ہو کے اپنے آپ نوں رب بنا وانا ایں۔

34- یسوع نے اوہناں نوں جواب دتا پئی تہاڈی شریعت وچ ایہہ نئیں لکھیا اے پئی میں آکھیا پئی تسی رب او؟

35- جد کہ اوہنے اوہناں نوں رب آکھیا جنہاں دے کول رب دا کلام آیا (تے پاک کتاب دا جھوٹ ہونا ممکن  
نئیں)۔

36- آیاتسی اوس بندے نوں جنہوں پیو نے پاک کر کے جگ وچ گھلایا آکھدے او پئی توں کفر بکدا ایں ایس لئی  
پئی میں آکھیا میں رب دا پتر واں؟

37- بے میں اپنے پیو دے کم نئیں کردا تے میرا یقین نہ کرو۔

38- پر بے میں کردا واں تے بھانویں میرا یقین نہ کرو پر اوہناں کماں دا تے یقین کرو تاں جوں تسی جانو تے  
سمجھو پئی پیو میرے وچ اے تے میں پیو وچ۔

39- اوہناں نے فیر اوہنوں پھڑن دی کوشش کیتی پر اوہ اوہناں دے ہتھ وچوں نکل گیا۔

## 3- یوحنا 8 باب 31 (یسوع توں)، 37 (توں)، 40، 44، 56 توں 59 آیتاں

31- فیر یسوع نے آکھیا

37- میں جان داواں پئی تسی ابراہیم دی پیڑی وچوں او۔

40- پرہن تسی میرے ورگے بندے دے قتل دی کوشش وچ او جنھے تہانوں اوہ ای سچی گل دسی جیہڑی رب توں سنی۔ ابراہیم نے تے ایہہ نئیں کیتا سی۔

44- تسی اپنے پیو شیطان توں اوتے اپنے پیو دیاں خواہشاں نوں پورا کرنا چاؤندے او۔ اوہ شروع توں ای خونی اے تے سچیا ئی اُتے قائم نئیں رہیا کیوں جے او ہدے وچ سچیا ئی ہے ای نئیں۔ جدوں اوہ جھوٹ بولد اے تے اپنی ای آکھدا اے کیوں جے اوہ جھوٹا اے بلکہ جھوٹ دا پیو اے۔

56- تہاڈا پیو ابراہیم میرا دن ویکھن دی آس توں بوہت خوش سی ایس لئی اوہنے ویکھیا تے خوش ہوئیا۔

57- یہودیوں نے اوہنوں آکھیا تیری عمر تے ہالے پنجاہ ورھے وی نئیں فیر کیہ توں ابراہیم نوں ویکھیا اے؟

58- یسوع نے اوہناں نوں آکھیا میں تہانوں سچ آکھدا واں پئی ایس توں پہلاں پئی ابراہیم پیدا ہوئیا میں واں۔

59- ایس لئی اوہناں نے اوہنوں مارن لئی پتھر چکے پر یسوع لک کے ہیکل وچوں نکل گیا۔

## 4- لوقا 14 باب 25 توں 33 آیتاں

25- جدوں بوہت لوک اوہدے نال جانداں پئے سی تے اوہنے مڑ کے اوہناں نوں آکھیا۔

26- بے کوئی میرے کول آوے تے اپنے پیوتے ماں تے بڈھی تے بچیاں تے بھرانواں تے بہناں بلکہ اپنی جان نال وی ویر نہ رکھے تے میرا چیلانئیں ہو سکدا۔

27- جو کوئی اپنی صلیب چھک کے میرے مگر نہ آوے اوہ میرا چیلانئیں ہو سکدا۔

28- کیوں بے تہاڈے وچوں اجیہا کیہڑا اے پئی جدوں اوہ اک برج بناؤنا چاہوے تے پہلاں بیٹھ کے لاگت دا حساب نہ کر لے پئی آیا میرے کول ایہنوں تیار کرن داسمان ہے یا نہیں؟

29- اتیخ نہ ہووے پئی جدوں نیو پا کے تیار نہ کر سکے تے سارے ویکھن والے ایہہ آکھ کے اوہدے اُتے ہسننا شروع کرن پئی۔

30- ایس بندے نے عمارت شروع تے کیتی پر پوری نہ کر سکیا۔

31- یا کیہڑا اجیہا بادشاہ اے جیہڑا دو بے بادشاہ نال لڑن جاندا ہووے تے پہلاں بیٹھ کے مشورہ نہ کر لے پئی آیا میں دس ہزار نال اوہدا مقابلہ کر سکدا اوں یا نہیں جیہڑا وی ہزار لے کے میرے اُتے چڑھ آوند اے۔

32- نہیں تے جدوں اوہ ہالے دورای اے اپنی گھل کے صلح دیاں شرطیں دی درخواست کرے گا۔

33- اتیخ ای تہاڈے وچوں جو کوئی اپنا سب کجھ چھڈ نہ دیوے اوہ میرا چیلانئیں ہو سکدا۔

## 5- لوقا 4 باب 33 توں 36 آیتاں

33- تے عبادت خانہ وچ اک بندہ سی جیدے وچ ناپاک دیودی روح سی۔ اوہ بڑی آواز نال چلا اٹھی۔

34۔ اے یسوع ناصری ساہنوں تیرے نال کیہ کم؟ کیہ توں ساہنوں ہلاک کرن لئی آیا ایں؟ میں تینوں جان دا  
واں پئی توں کون ایں۔ رب دا قدوس ایں۔

35۔ یسوع نے اوہنوں جھڑک کے آکھیا چپ رہ تے اوہدے وچوں نکل جا۔ ایہدے اُتے بدروح اوہنوں  
وچکار پٹک کے کوئی نقصان پہنچائے بغیر اوہدے وچوں نکل گئی۔

36۔ تے سارے حیران ہو کے آپس وچ آکھن لگے پئی ایہہ کیجج دا کلام اے؟ کیوں جے اوہ اختیار تے قدرت  
نال ناپاک روحوں نوں حکم دیندا اے تے اوہ نکل جاندا ایں۔

## 6۔ عبرانیوں 4 باب 12 آیات

12۔ کیوں جے رب دا کلام زندہ تے موثر تے ہر اک دو دھاری تلوار توں زیادہ تیز اے تے جان تے روح تے  
بند بند تے گودے نوں وکھرا کر کے لنگ جاندا اے تے دل دے خیالاں تے ارادیاں نوں جانچدا اے۔

## سائنس تے صحت

1- 11-10:583

مسیح۔ رب والہی اظہار، جیہڑا مجسم غلطی نوں برباد کرن لئی بدن دی صورت وچ آوند اے۔

2- 333:16(دی)-31

یسوع ناصری دی آمد مسیحی دور دی پہلی صدی دا احاطہ کردی اے، پر مسیح ابتدائی ورہیاں یا اخیر دی دنیاں دی قید توں بغیر اے۔ مسیحی دور توں پہلے تے بعد وچ پیڑی توں پیڑی مسیح روحانی خیال تے رب دے پر چھانویں دے طور تے، اوہناں لوکاں لئی کجھ خاص طاقت تے فضل دے نال آیا جیہڑے مسیح یعنی سچائی نوں حاصل کرن لئی تیار سی۔ ابراہیم، یعقوب، موسیٰ تے نبیاں نے مسیحا یا مسیح دیاں جلالی جھلکیاں پائیاں سی، جنسے ایہناں دیکھن والیاں نوں الہی فطرت، محبت دے جوہر وچ پستسمہ دتا سی۔ الہی شبیہ، خیال یا مسیح الہی اصول یعنی رب توں غیر منفک سی، تے ہمیشہ رہوے گا۔ یسوع نے اپنی روحانی شناخت دے ایس اتحاد نوں اخبج بیان کیتا: ”ایس توں پہلاں پئی ابراہیم پیدا ہوئی، میں واں“؛ ”میں تے پیواک واں“؛ ”پیو میتھوں وڈھا اے۔“ اک روح وچ ساریاں شناختاں پائیاں جانندیاں نیں۔

3- 334:10(دی)-20

مخفی مسیح نام نہاد ذاتی حساں لئی ناقابل ادراک سی، جد کہ یسوع بدنی وجودیت وچ ظاہر ہوئی سی۔ دیدہ تے نادیدہ خواص والی، روحانی تے مادی ایہہ دوہری شخصیت، ابدی مسیح تے جسمانی یسوع بدن وچ ظاہر ہوئی، مالک دے اُتے اٹھائے جاوے تیکر ایہہ جاری رہیا، جدوں تیکر پئی انسانی، مادی نظریہ یا یسوع غائب نہیں ہوئی، جد کہ روحانی خودی، یا مسیح، جگ دے پاپاں نوں اٹھاندیاں ہوئیاں، الہی سائنس دی ابدی ترتیب وچ موجود رہنا

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیہڑا بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“، وچوں لیاں ہوئیاں لازمی تفسیریں نال بنیاں۔



جاری رہیا جیویں پئی مسیح نے ہمیشہ ای کیتا، ایتھوں تیکر پئی فانی اکھیاں لئی انسانی یسوع دے مجسم ہوون توں وی پہلے۔

#### 4- 11-29:315

انسانی شبیہ اپنا دیاں ہوئے (یعنی جیویں پئی فانی نظر نوں دکھائی دیندا اے)، انسانی ماں دے پیٹ وچ حمل لیندیاں ہوئے، یسوع روح تے بدن دے وچکار، سچیاں تے غلطی دے وچکار درمیانی سی۔ الہی سائنس دی راہ نوں واضح کر دیاں تے ظاہر کر دیاں ہوئے، اوہ اوہناں ساریاں لئی مکتی دی راہ بن گیا جنہاں نے اوہدے کلام نوں قبول کیتا۔ انسان اوہدے توں ایہہ سکھ سکدے نیں پئی بریائی توں کیویں بچیا جاوے۔ حقیقی انسان دا سائنس دے پاروں اپنے خالق نال تعلق استوار کر دیاں ہوئے، انسان نوں صرف پاپ توں دور ہوون تے مسیح، یعنی حقیقی انسان تے رب دے نال اوہدے تعلق نوں پاون تے الہی فرزندگی نوں پچھان لئی فانی خودی توں نظر ہٹاؤن دی لوڑاے۔ مسیح یعنی سچیاں یسوع دے پاروں ظاہر ہوئی، بدن اُتے روح دی طاقت نوں ثابت کرن لئی تے ایہہ دکھاون لئی پئی سچیاں بیمار نوں شفا دیندیاں تے پاپ نوں تباہ کر دیاں ہوئے انسانی سیان تے بدن اُتے اوہدے اثر اتاں دے پاروں ظاہر ہندی اے۔

#### 5- 6-23:6

یسوع نے پاپ نوں باہر کڈن توں پہلاں ایہنوں ظاہر کیتا تے ملامت کیتا۔ اک بیمار عورت نوں اوہنے آکھیا پئی شیطان نے اوہنوں جکڑ رکھیا سی تے پطرس نوں اوہنے آکھیا، ”توں میرے لئی ٹھوکر دابا عث ایس۔“ اوہ بندیا

بائبل دا ایہہ سبق پلین فیلڈ کرسچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرسچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

س نوں تعلیم دین تے ایہہ دکھان آیا پئی پاپ، بیماری تے موت نوں کینج فنا کیتا جاوے۔ اوہنے اک بے پھل درخت نوں آکھیا، ”[ایہہ] وڈیا جاندا اے۔“

کئی لوک ایہہ من دے نیں پئی اک عدالت داحاکم جیہڑا یسوع دے زمانے وچ رہیندا اسی اوہنے ایہہ بیان دتا سی:

”اوہدی ملامت خوفناک اے۔“ ساڈے مالک دی سخت زبان ایس بیان دی تصدیق کردی اے۔

غلطی لئی جیہڑی واحد سزائے موت اوہنے دتی اوہ سی، ”اے شیطان میرے سامنیوں دور ہو۔“ ایس گل دی مزید تصدیق پئی یسوع دی سرزنش بوہت نوکیلی تے چبھن والی سی اوہدے اپنے لفظاں وچ پائی جاندی اے، ایس قدر شدید بیان نوں ضروری ثابت کر دیاں ہوئے، جدوں اوہنے بدر و حواں نوں کڈھیاتے بیمار تے پاپی نوں شفا دتی۔

6 - 10-1:230

جے بیماری اصلی اے، تے ایہہ لافانیت نال واسطہ رکھدی اے؛ جے سچی اے تے ایہہ سچائی نال واسطہ رکھدی اے۔ کیہ تسی منشیات دے نال یا بنا سچائی دے معیار یا حالت نوں برباد کرن دی کوشش کرو گے؟ پر جے بیماری یا پاپ فریب نظری نیں، تے ایس فانی خواب یاد ہو کے توں جاگنا، ساڈے لئی صحت، پاکیزگی تے

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری، سیکراڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

لافانیت پیدا کرے گا۔ ایہہ بیداری مسیح دی ہمیشہ لئی آمد اے، یعنی سچائی دا ترقی یافتہ اظہار، جیہڑا غلطی نوں دور کرداتے بیمار نوں شفا دیندا اے۔ ایہہ اوہ مکتی اے جیہڑی رب، الہی اصول، محبت ولوں آوندی اے، جیہدا اظہار یسوع نے کیتا۔

7- 32-28:41

یسوع نے جیہڑی سچائی دی تعلیم دتی بزرگاں نے اوہ مذاق اڑایا۔ کیوں؟ کیوں جے ایہدے لئی اوس توں زیادہ لوڑ سی جنہی اوہ مشق کرن دے خواہش مند سی۔ اپنے قومی دیوتا تے ایمان رکھنا اوہناں لئی کافی سی، پر اوہناں دے دور توں ساڈے دور تیکر، اوس ایمان نے کدی کسے جیسے چیلے نوں جنم نہیں دتا جیہڑا بد روحواں نوں کڈھ سکے تے بیمار نوں شفا دے سکے۔

8- 9-4:141

حیاتی گزارن تے شفا دین لئی یسوع دے الہی حکماں نوں چند لوک ای سمجھدے تے اوہناں اُتے عمل کردے نہیں۔ کیوں؟ کیوں جے اوہدے حکم چیلیاں توں اپنا سجاہتھ وڈن تے سچی اکھ کڈن دی مانگ کردے نہیں، یعنی مسیح لئی سب کجھ قربان کردیاں ہوئے ایتھوں تیکر پئی اپنے سب توں پاک عقیدیاں تے مشتقاں نوں وی چھڈن دی مانگ کردے نہیں۔

## 9- 26:1-11(3):16-18

جدوں اسی یسوع دی تمجید کردے آں، تے جو کجھ اوہنے انسان لئی کیتا اے اوہدے پاروں ساڈا دل شکر نال  
بھر جاندا اے، جلال دے تخت اُتے اوہدے شفیق رستے اُتے کُلے پیر رکھ دیاں ہوئے، ساڈے لئی بیان نہ کیتی  
جاون والی تکلیف وچ راہ ہموار کر دیاں ہوئے، یسوع ساڈے لئی صرف اک انفرادی تجربہ محفوظ نہیں  
رکھدا، جے اسی وفاداری دے نال اوہدے حکماں مگر ٹردے آں، تے سارے غمگیں جدوجہد داپیالہ لیندے  
آں تاں جوں اوہدے نال اپنی محبت دے اظہار دے تناسب وچ پین، جدوں تیکر پئی سارے الہی محبت دے  
پاروں مکتی نہ پالین۔

مسیح روح سی جیواذ کر یسوع نے اپنے ایہناں بیاناں وچ کیتا: ”راہ، حق تے حیاتی میں واں؛“۔۔۔ اوہدا مقصد  
اسمانی ہستی دی سائنس نوں ظاہر کرنا سی تاں جوں ایہنوں ثابت کرے جیہڑا رب اے تے جو اوہ انسان لئی کردا  
اے۔

## 10- 55:15-26

سیچائی دالافانی نظریہ، اپنے پراں بیٹھاں بیماراں تے پاپیاں نوں کٹھیاں کر دیاں ہوئے، صدیاں دا احاطہ  
کر رہیا اے۔ میری خستہ حال امید اوس خوشی دے دن دا احساس دلاون دی کوشش کردی اے، جدوں انسان  
مسیح دی سائنس نوں سمجھے گاتے اپنے گوانڈی نال اپنی طراں ای محبت رکھے گا، جدوں اوہ ایہہ جانے گا پئی رب  
قادر مطلق اے تے جو کجھ اوہنے انسان لئی کیتا اے تے کر رہیا اے اوہدے وچ الہی محبت دی شفاءیہ طاقت

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی  
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

نوں جانے گا۔ وعدے پورے کیتے جاؤں گے۔ الہی شفا دے دوبارہ ظاہر ہوؤں دا ویلہ ہر ویلے ہندا اے؛ تے جو کوئی وی اپنا دھرتی والا سب کجھ الہی سائنس دی الطار اُتے رکھدا اے، اوہ ہن مسیح دے پیالے وچوں پیندا اے، تے اوہ روح تے مسیحی شفا دی طاقت توں ملبوس ہندا اے۔

## روزانہ دے فرض

میری بیکرا ایڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی،

بائبل دا ایہہ سبق پلین فیلڈ کرچن چرچ، آزاد ولوں تیار ہو یا اے۔ ایہہ کنگ جیمز بائبل دیاں آیتاں تے میری بیکرا ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تھیریاں نال بنیاں۔

خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکناں نوں  
سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین  
توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے  
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں  
اوہدا انصاف ہووے گا، اوہ بے قصور یا قصور دار ہووے گا۔

چرچ مینوٹیل، آرٹیکل VIII، سیکشن 6۔